



Бр. 1.

Broj: 01-02-1909/20
Sarajevo, 23.12.2021. godine

DOM NARODA PARLAMENTA FEDERACIJE BiH

n/r gospodina Tomislava Martinovića, predsjedavajućeg
n/r gospodina Aljoše Čampare, potpredsjedavajućeg

**PREDMET: PRIJEDLOG ZAKONA O GASOVODU "JUŽNA INTERKONEKCIJA
BOSNA I HERCEGOVINA I REPUBLIKA HRVATSKA"**

Na osnovu člana 198. Poslovnika Predstavničkog doma Parlamenta FBiH, obavještavam Vas da je Predstavnički dom Parlamenta FBiH na 28. redovnoj sjednici održanoj 21.12.2021. godine usvojio Prijedlog Zakona gasovodu „Južna interkonekcija Bosna i Hercegovina i Republika Hrvatska“ sa tri amandmana Vlade Federacije BiH i četiri amandmana koje je Vlada FBiH prihvatila, pa su amandmani postali sastavni dio Prijedloga ovog Zakona.

Amandmani Vlade FBiH:
Amandman I

U tekstu Prijedloga Zakona o gasovodu „Južna interkonekcija Bosna i Hercegovina i Republika Hrvatska“ član 10. briše se i zamjenjuje se novim članom, kako slijedi:

„Član 10.

- (1) Uslove zaštite okoliša za izgradnju gasovoda Južna interkonekcija Bosna i Hercegovina i Republika Hrvatska propisuje Federalno ministarstvo okoliša i turizma.
- (2) Okolinska dozvola izdata do dana stupanja na snagu ovog zakona smatra se rješenjem o odobravanju studije o procjeni uticaja na okoliš u smislu odredbi Zakona o zaštiti okoliša („Službene novine Federacije BiH“, broj 15/21) i ostaje na snazi 10 godina od dana njenog izdavanja.

(3) Nakon isteka roka iz stavka (2) ovog člana, zaštita okoliša osigurava se na temelju važećeg Zakona o zaštiti okoliša i podzakonskih propisa."

Amandman II

U članu 5. stav (4) se mijenja i glasi:

„Investitor je dužan nakon puštanja u pogon gasovoda Južna interkonekcija Bosna i Hercegovina i Republika Hrvatska osigurati i njegov siguran rad i sve tehničke uslove za prihvatanje u transportni sistem gasa koji se uvozi iz različitih izvora sa spomenutog pravca i osigura njegov transport i nesmetanu isporuku potrošačima u saradnji s lokalnim energetske kompanijama za distribuciju kao i osiguranje gasne dostupnosti svima koji su priključeni na transportni sistem, sa ciljem očuvanja postojećeg i razvoja novog tržišta prirodnog gasa.“

Amandman III

U članu 5. stav (2) alineja b) iza riječi „Mostar“ dodaju se riječi: „Gornji Vakuf – Uskoplje i Jajce“.

Amandmani koje je Vlada FBiH prihvatila
Amandman I

U članu 6. stav 1. iza teksta „vlastitim sredstvima investitora“, a prije teksta „te drugim izvorima finansiranja“ dodaje se novi tekst koji glasi:
„prihodima ostvarenim naplatom transportnih/tranzitnih tarifa“.

Amandman II

U članu 6. stav 2. iza teksta „realizacije projekta Južna interkonekcija BiH i Republika Hrvatska“ dodaje se tekst koji glasi:
„te osigurati potrebne garancije po kreditnim aranžmanima.“

Amandman III

U članu 5. stav (2) alineja b) briše se i zamjenjuje se novim tekstom koji glasi:
„Izgradnju odvojka za Mostar i Livno u drugoj fazi koja će započeti istovremeno sa radovima na prvoj fazi odnosno najkasnije odmah nakon okončanja prve faze.“

Amandman IV

U članu 5. stav (4) se briše i zamjenjuje se novim stavom koji glasi:

„Investitor je dužan nakon puštanja u pogon gasovoda Južna interkonekcija Bosna i Hercegovina i Republika Hrvatska osigurati njegov siguran rad i sve tehničke uslove za prihvatanje u transportni sistem gasa koji se uvozi iz različitih izvora sa pomenutog pravca da se osigura njegov transport i nesmetanu isporuku potrošačima u saradnji sa lokalnim energetske kompanijama za distribuciju kao i osiguranje gasne dostupnosti svima koji su priključeni na transportni sistem sa ciljem očuvanja postojećih i razvoja novog tržišta prirodnog gasa.“

Predstavnički dom je ovom prilikom usvojio i slijedeći

ZAKLJUČAK

Obavezuje se Privredno društvo za proizvodnju i transport gasa „BH-Gas d.o.o. Sarajevo“ da pristupi izradi projekta koji će omogućiti priključak gasovodu Južnoj intekonekciji Tuzlanskom kantonu.

Dostaviti:

- naslovu
- predsjedniku i potpredsjednicima FBiH
- premijeru, zamjenicima premijera
- Vladi FBiH
- Predsjedavajućem PD
- potpredsjedavajućima PD
- sekretaru Doma naroda
- službi Doma naroda
- sekretaru Predstavničkog doma
- službi Predstavničkog doma
- službi za izradi izvornika PD
- a.a.

